

SOBIČAK

VIŠENAMJENSKI PROSTOR ZA UČENIKE

PRIJAVI SVOJU
ŠKOLU!!

ŠTA JE SOBIČAK?

„Sobičak“ je prostorija **prilagođena potrebama i željama učenika i učenica**, prostor koji oni sami osmišljavaju, opremaju, koji im pripada i za koji se, u suradnji sa školom koja ga omogućuje, brinu i odgovaraju.

Ovi prostori će biti dom različitim aktivnostima koje pripremaju učenici za učenike, poput:

- Vršnjačke podrške u učenju
- Podrške stručnjaka iz zajednice
- Književni, muzički, umjetnički, filmski i drugi klubovi
- Prezentacije i projekcije
- Edukacije i radionice
- Druženja, sastanci, odmor i zabava
- Razmjena ideja
- Mnoge druge aktivnosti isplanirane u suradnji sa školom, nastavnicima, roditeljima i zajednicom

KO ĆE BITI UKLJUČEN?

Pet srednjih strukovnih škola i pet osnovnih škola bit će odabrano za učešće u stvaranju prvih „Sobičaka“.

Aktivnosti će **zajednički realizirati partnerske škole** - po jedna osnovna i jedna srednja škola iz iste zajednice.

Svaka škola dobija jednaka novčana sredstva za uređenje prostora, sa fokusom na reciklažu i transformaciju već postojećih materijala i namještaja.

ŠTA ĆE SE DEŠAVATI?

Tokom cijele godine, učenici će biti uključeni u **učenje kroz iskustvo** i sticanje mnogobrojnih praktičnih, životnih vještina, kroz **osmišljavanje i renoviranje prostora, dizajniranje i izradu namještaja, izradu plana aktivnosti** u „Sobičku“, te **angažovanje što većeg broja učenika** u ponuđene aktivnosti. Svakoj školi će biti dodijeljen i budžet kojim će, u suradnji sa školama, raspolagati učenici koji učestvuju u projektu.

Učenici srednjih škola bit će odgovorni za dizajn i izradu namještaja, recikliranje starog namještaja, krećenje i oslikavanje prostora, čemu će poučiti učenike osnovnih škola. Svi zajedno, na čelu sa Vijećem učenika, biće odgovorni za brigu i upravljanje prostorom i aktivnostima, **za sve sadašnje i buduće generacije učenika svojih škola.**

Ovakav pristup u realizaciji projekta nudi učenicima osnovnih i srednjih škola priliku za **uzajamno učenje, razvijanje osjećaja za timski rad i suradnju, planiranje i rješavanje problema, upravljanje novčanim sredstvima i razvijanje odgovornosti, kao i konkretnu praksu za učenike srednjih strukovnih škola.**

KAKO SE PRIJAVITI?

1.

Ukoliko vaša škola posjeduje neiskorišten ili neadekvatno iskorišten prostor, a menadžment škole je voljan dugoročno ga ustupiti za uspostavljanje višenamjenske sobe za učenike i učenice, ispunjavate prvi kriterij.

2.

Nakon što ste odlučili omogućiti prostor, potrebno je pronaći partnersku školu. Za srednje škole to može biti bilo koja osnovna škola iz zajednice, a za osnovne škole to mora biti strukovna/tehnička škola iz zajednice.

3.

Imate partnersku školu i slobodne prostore u obje škole i želite početi sa dizajniranjem i kreiranjem vaših "Sobičaka"? Odaberite jednog nastavnika/nastavnicu i jednu osobu iz menadžmenta škole, kao i dva učenika/predstavnika koji bi bili voljni prisustvovati prvom zajedničkom sastanku svih škola koje učestvuju u projektu.

4.

Popunite formular na stranici:

www.inskola.com/sobicak

VAŽNO!

U projektu učestvuje ukupno 10 škola, odnosno 5 parova škola, po jedna osnovna i jedna srednja strukovna škola. Škole koje se prijavljuju moraju biti u mogućnosti osigurati prostoriju, omogućiti učenicima svoje škole, kao i učenicima partnerske škole zajedničku saradnju unutar prostora, te zajedno sa učenicima održavati "Sobičak" aktivnim provođenjem različitih aktivnosti koje osmišljavaju i organiziraju sami učenici, kao i omogućiti učenicima nesmetano korištenje prostora.



STEP BY STEP



MoneyGram

bliži sa bližnjima